

Iloqarfinni nunat immikkoortuini qitiusumik napparsimaveqarfiusuni toqusimasut timaannik ikuallaaveqalersinnaaneraniq periarfissanik kiisalu aningaasaqarnikkut pitsaaqutinik pitsaanngequtinillu misissuinissamik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut. Ilanngullugu Naalakkersuisunit misissuiffigineqassaaq innuttaasut toqusimasut timaannik ikuallaasalersinnaanermut periarfissaqalernissaq tapersersorneqarnerseq. Misissuineq UKA18 nallertinnagu saqqummiunneqassaaq.

(Inatsisartunut ilaasortaq Kelly Berthelsen, Inuit Ataqatigiit)

Akissuteqaat

(Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoq)

Aappassaanneerseqarnera

Naalakkersuisut aallarniutigalugu siunnersuummik Inatsisartunut ilaasortaq Kelly Berthelsen, Inuit Ataqatigiit, qutsavigeqqissavaat.

Naalakkersuisut taassuma saniatigut Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliap siunnersuummik suliarinnissimaneranut aammalu isumaliutissiissutaanut qutsavigissavaat. Naalakkersuisut maluginiarpaat, ataatsimiititaliap isumaqatigiillutik Naalakkersuisut allannguutissatut siunnersuutaat itigartissimagaat aammalu aalajangiiffigisassatut siunnersuut inassutigaat akuerineqassasoq.

Naalakkersuisut tamanna tusaatissatut tiguaat aammalu siunnersuut inassutigaat akuerineqassasoq.